

B I N A R I V S <sup>15</sup>

MODORVM PHYSICORVM

*IN CATHOLICA ET ELECTORALI  
Ingolstadiensium Vniuersitate*

PRÆSIDE

NICOLAO WYSING

SOCIETATIS IESV PHILOSOPHIÆ

PROFESSORE ORDINARIO

*Publicæ disceptationi propositus,*



PROPVGNANTIBVS RELIGIOSIS FRATRIBVS

FRANCISCO STADLER,

&


CORBINIANO MILLHER,

CANONICIS REGVLARIBVS ORDINIS

S. AVGVSTINI PROFESSIS IN ROTTENBVECH,

SS. Theologiæ ac Metaphysices Studiosis, & Phi-  
losophiæ Baccalaureis:

*Ad diem Iunij, Anno MDCC. XXXI.*



INGOLSTADII, Ex Typographæo GREGORII HÆNLINI.

THE  
JOURNAL  
OF  
THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 11  
PART 1  
1881  
LONDON  
PUBLISHED BY THE INSTITUTE  
1881



REVERENDISSIMO ET ILLUSTRISSIMO  
S. R. I. PRINCIPI AC DOMINO,  
DOMINO

VITO ADAMO  
FRISINGENSI EPISCOPO, PRIN-  
cipi, ac Domino suo Clementissimo.



*Riennio propemodum, Reuerendissime, & Illustrissime Prin-  
ceps, Philosophia preparati iam sumus, & tamen hodie primum le-  
uato velo Actionem damus. Nimirum non ante prodire in conspe-  
ctum tuum ausum, quam Vnionem Actioni isti insertam feli-  
ciori nexu nobis copularemus. Interea verecundati ad sublimissimos  
Vestrae Celsitudinis oculos accessum, latere hactenus veluti post Si-  
parium maluimus, gnari haud quemquam facile, nisi arti sua peritissimum coram summis  
Principibus apparere vel posse, vel debere. Sed cum promitti Actionem hic audi, nolu-  
mus Te Mossellariam aliquam, aliudue id genus ludicrum à nobis expectare, verat enim  
Reuerentiae Genius ad Magnates, & Principes fabulam duntaxat asserre; procul ab istis  
vuiamus, qui in Peripateticorum Scholis veritati litamus, & Actionem hanc rerum non  
vanarum Vnione connectimus. Sed neque idcirco putes Actionem hanc nostram, Vnio-  
nemque omni carere oblectamento, quod seria admodum sit, & Academica: etiam illa  
suos lepores habet, & Gratias; quin nulla potentius quotidiana rerum varietate specta-  
tores suos admiratione percellit; quidquid certe in pulcherrimo hoc orbis theatro Natura  
ludit, id omne per hanc Actionem producit mundi Choragus, per hanc Vnionem varie-  
tate mira compaginat. Atque, ut nihil ad spectantium voluptatem desideretur, quater in an-  
no vel ipsi Romae inuidenda versione suum theatrum mutat, quotiescunque, scilicet amena  
temporum vicissitudine, aliam terrae formam, aliam rebus Vnionem superinducit. Ad  
hanc ergo Actionem Vnionemque nostram Te Reuerendissime & Illustrissime  
Princeps demississime inuitamus, eamque sub Nominis Tui auspicio in publicum damus; sat  
magnum latuisse placsum sperat, si tantum Principem Lectorem habeat, & saltem in*

*hū solijs spectatorem. Nec verò temerè hic quicquam agimus, aut absq; ratione Celsi-*  
*tud. V.<sup>re</sup> Patrocinium flagitamus. Cui enim Disputationem nostram tutius cōmisisse-*  
*mus? quàm Ei, cui totum Monasterium nostrum ita semper in amoribus fuit, vt Eum non*  
*solum vt amantissimum Principem suum, sed alterum etiam Abbatem Rottenbuechenses*  
*agnoscant. Vnum de sexcentis & quotidianis Beneficijs, ex eius, qui nobis cum auctoritate*  
*præst. iussione, proferimus, eò præclarior, quòd in ipsum Canobij nostri Antistitem contuleris.*  
*Cùm is ante annos non adeò multos sedere nobis ad clauum iussus esset, Tu ex hoc nuncio*  
*adeò ad complectendum illum Beneficentiæ Tux alas extendisti, vt posthabitâ Hiemis aspe-*  
*ritate, & quidquid etiam summè amantibus ob stare potest, illic ad nos aduolares, &*  
*Electum tuumet Ipse manibus consecraret. Neque hîc seris Beneuolentiæ tuæ, sed à capi-*  
*te in nos etiam & cetera membra liberalissimè dimanauit, semperq; dimanat. Quæ Be-*  
*neficientissimæ Actionis Tux ad nostrum Monasterium Vnio, vti non tertio quinq; uo*  
*actu absoluitur, aut etiam centesimo, sed perinde, vt semper in Remp. Christianam cate-*  
*ram quoque extendi pergat, idcirco Reuerendissimæ & Illustrissimæ Celsitudini*  
*Tux Animæ corporisq; Vnionem, & vitæ Actionem, quâ prodest, immortalem à Deo*  
*precamur. Vius Reuerendissime & Illustrissime Princeps, & Fauorem in Tuos pro-*  
*sequere. Ingolstad. in Collegio S. Ignatij Martyris 2. Iunij. Anno Christi 1631.*

**Reu.<sup>m</sup> & Illust.<sup>m</sup> Celsit.<sup>nis</sup> V.<sup>re</sup>**

*Deuotissimi*

**F. FRANCISCVS STADLER**  
**F. CORBINIANVS MILLHER.**

## Disputationis Ratio seu Modus.



Sit atam illam hoc temporis rerum distinctionem supponimus, quam Modalem vocant, nempe quâ res aliqua ita inter se distinguuntur dicuntur, ut ista quidem absq. illa consistere valeat, non tamen vicissim illa sine ista, etiam per absolutam DEI potentiam. Et licet Mediam istam, inter rationis & rei distinctionem, temporibus omnino antiquissimis non multum cognitam fuisse arbitremur, quia tamen ea in difficultatibus quibusdam omnino necessaria posteriorum temporum Auditoribus visa fuit, idcirco & nos eandem aliquousq. amplexi sumus, atq. hac disputatione etiam prosequimur. Aliquousq., inquam; neq. enim ita sapidi & exoptati nobis sunt Modi, ut quamlibet difficultatem Modorum vel cōdimento condire, vel pretextu condere libeat: hoc potius nobis persuasum est, posse vniuersam, nō modò Physicam, imò etiam Philosophiam vnicò Modorū BINARIO, tamquam bigâ aliquâ nixam prouehi, & si Djs placet, reliquosq. apparatus adsit, etiam triumphare. Itaq. Vnio sola & Actio, Modi videntur de facto; de possibili etiam vnicus Modus posset sufficere, reiecto nimirum in Actionem officio Vnionis. Quòd si de alijs etiam rebus tamquam de Modis in speciem loquimur, id non alio sensu facimus, quàm Antiqui fecerunt, qui cuiusq. rei Rationem formalem seu perfectionē, habilitatēq. Modi nomine appellârunt; ita dicimus, quòd Modus operandi sequatur Modum essendi; ita iam iam disputationis Modum pro Methodo diximus; ita etiam non ignotus versiculus dicit:

*Est Modus in rebus, sunt certi denique fines.*

Deniq. iam nunc etiā dicere libet, Modum de Vnionē & Actionē disputandi talem nobis esse, ut pro eo, ac alijs soliti sumus, non præcisè de ipsis harum rerum entitatibus, verum etiam de alijs adnexis decidamus; imo quia hanc disputationem ad corporis physici generationem explicandam potissimum destinamus, idcirco etiam quandoq. principaliora sunt ea, quæ de Vnionis, Actionisq. etiam non expressa, connotatis, quam quæ de ipsâ earundem entitate proferimus.

VIII. Vnio educitur ex potentia materiæ. Non secundum aliquid sui, aut secundum totam entitatem laret in materia; vel extra eandem ponitur; sed fit dependenter à causalitate materiæ. Licet illa etiam in potentia agentis contineatur, in quo tanquam in sua causa efficiente inest, non tamen de potentia agentis educi dicitur. Educi vnionis quandam passionem eiusdem in subiecto significat, quæ passio agentis non conuenit.

IX. In omnibus compositis vnio est materialis entitas. Si in homine vnio esset spiritualis, in quantum se tenet ex parte animæ, vt hæc per illam sibi in spiritualitate proportionatam materiæ iungatur, etiam talis deberet esse ex parte materiæ, quia vnionem in spiritualeni cum materia connectit. De possibili similis vnio spiritualis non videtur deneganda, quæ se intrinsecè teneat ex parte formæ, & subiectum materiale extrinsecè afficiat.

X. Vnio spiritualis, siue diuisibilis siue indiuisibilis esset, quæuis parte viuenti adgeneratâ, mutaretur; quia aliud modificatum respiceret. Vnionem supernaturaliter Creari, nec ratione materialitatis nec ratione modalis entitatis implicat. Dependentiâ à subiecto ratione influxûs causæ materialis in effectum *Deus* per modum creationis compensare potest. Dependentiâ modalium entitatum à terminis nec per absolutam potentiam tolli potest. In quouis composito vna tantum numero vnio datur, quâ solâ posita impossibile est, vt non etiam eò ipso duo vnita dentur.

XI. Si diuinâ virtute duæ formæ vnâ materiam simul informarent; vel duæ numero materiæ vni formæ substarent, tum duæ quoque ibi vniones essent. Non repugnat supernaturaliter in vno composito, quod vnâ solùm formâ & materiâ constet, duas distinctas totales vniones intercedere. Per vnâ vnionem tollitur quidem indifferentia compositi existendi per hunc modum; non tamen tollitur indifferentia illius existendi per alium modum.

XII. Ab vtraque illa vnione compositum tale in ratione nexûs dependeret; & quoad hunc esse suum ita acciperet, vt quilibet deficiente ipsum tamen persisteret. Licet vtraque per se sit nexus illius compositi; alteram tamen per accidens applicatam esse dicimus. Vnio naturaliter inexistit materiæ vt subiecto, & afficit formam vt terminum extrinsecè. Hoc extrinsecum afficere ipsius formæ sufficit ad id, vt non solùm materia formæ, sed etiam forma materiæ intrinsecè ad compositum faciendum iungatur; perinde vt in attractione magnetis, & iste ferro, & hoc illi iungitur, & quodam modo vnitur.

XIII. Intrinsecè aliquid alteri vniri, dupliciter maximè intelligi potest. Primò, prout idem est, ac secundum suam entitatem alteri vniri. Secundò, prout idem est, quod vniri alteri per aliquid ei, quod vnitur, inexistens. Priori modo, non item posteriori, formæ dicuntur materiæ vniri. Sic etiam Verbum Diuinum humanitati intrinsecè vnitum est; ad quod plus non requiritur, quam vt vnionem verè terminet. Etiam murus quoad entitatem intrinsecè dicitur cognitus, priori Intrinseci denominatione, licet alioqui cognitio ei sit tantum extrinseca.

XIV. Quantumuis vnio in forma subiectari concederetur, non tamen omne id quod habet vnionem eius subiectum esse dici deberet, sed in aliquo casu, loco vocis subiectum vox terminus, vsurpari deberet. Si vnio subiectaretur in solâ formâ, tum in productione hominis parens non esset causa generatæ prolis, vtpote qui vt agens corporeum in formam spirituales agere, ac Vnionem educere non posset.

XV. Parens non potest dici ipsam substantiâ vnionis non attingere, sed solas dispositiones; ad quarum positionem *Deus* vnionem producat. Qui dispositiones ponit, alterationis tantum, non generationis causa est. Si dispositiones in subiecto ponere sufficit ad id, vt aliquid causa generationis dici possit, etiam pater animæ rationalis causa dicitur, quia completis dispositionibus in materia *Deus* animam producit.

XVI. For-



XVI. Forma si esset subiectum vnionis, in aliquo priori illa huic præsupponeretur; possetq; concipi producta absque eo, vt subiecto sit vnita: quod vtrique naturæ fini repugnat. Non vrget, quod communiter vnio formæ identificari dicatur, huius enim sensus alius non est, quàm quodd vnio aliquo modo se magis ex parte formæ, quàm materiæ teneat. Materia tanquam basis generationi præsupponitur, cui vna cum forma simul vnio superueniat.

XVII. Si vnio in vtroque simul extremo compositi subieciatur, tum vna & eadem res duabus simul actionibus naturaliter produceretur. Altera actio in materia, altera in forma tanquam connaturalibus subiectis distinctis reciperetur. Vna numero actio, ex vtroque subiecto vnionem educens, esse non potest: Vnus namque modus non nisi vnum modificat; & accidens transire de subiecto in subiectum naturaliter nequit. Non sufficit ad vnitatem actionis hic defendendam, quod partes reipsa sint vnite; quia sic forma quoque & materia vnâ numero actione conservari possent.

XVIII. Eadem vnio est causalitas & materiæ & formæ in Compositum, secundum suam entitatem spectatum; tam in primo instanti, quo ipsum producitur, quàm deinceps. In quantum est id, per quod forma perficit materiam, distinguitur à se ipsâ formaliter, in quantum est id, per quod materia formam recipit. Respectu formæ dicitur Informatio, respectu materiæ Sussentatio, seu Materialisatio.

XIX. Causalitas vniuersum id est, ad quod effectus formaliter sequi intelligitur; & quo solo ablato, licet cætera requisita adsint, effectus non ponitur. Effectus principalis formæ & materiæ est compositum, quod ad positionem vnionis formaliter sequi intelligitur. Vnitum esse & compositum esse inter se non distinguuntur perfecte formaliter. Vbicunque vnio est, ibi Vnitum aliquid esse dicitur, vt pote ab abstracto concretum inferendo.

XX. Quia vnio, prout est causalitas materiæ in formam & compositum, multipliciter se habere potest, diuersimodè quoque eam, ad ambiguitatem vitandam, appellare conuenit. Si & forma & vnio dependent à concursu materialis causæ fiat, illam vnionem sussentatiuam vocamus, eò quod omnem molem superimpositam sustineat. Quando sola vnio educitur, & forma creatur, vnionem receptiuam appellamus, quia à receptione formæ, tanquam à potenti, rectius denominari videtur.

XXI. Si supernaturaliter etiam vnio cum formâ creetur, ea nobis informatiua dicitur; Cum præter informationem nihil aliud importet. Aliam vnionem per absolutam potentiam possibilem admittimus; quæ talis sit, vt ipsa Creata formam, ex potentiâ materiæ educam, eidem necet. Ob hoc officium, quod nulli alteri vnioni competit, ea connexiuz nomen per principalitatem obtinet.

XXII. Forma talitereducta non esset in materia, tanquam actus in sua potentia; sed tanquàm actus ex potentiaeductus. Non faceret cum alterâ parte subiectiuâ compositum per modum actus & potentiæ, sed per modum quasi partium integrantium, si vnio nec materiæ nec formæ intrinsecè inesse, sed vtrumque tantum extrinsecè afficere poneretur. Forma non potest inesse vt Quod, & tanquam actus, nisi per aliquid, quod insit subiecto vt Quo.

XXIII. In Composito si sola vnioeducta sit, compositum totum generatum dicitur. Contra licet vnio creetur, non perinde totum compositum Creatum dicendum est, si forma in eo per influxum causæ materialis producta sit: ad denominationem enim à formâ perfectiori, qualis etiam est Creatio, requiritur causa integra; ad imperfectam denominationem sufficit quiniuis defectus. Quodd generatio naturaliter terminetur ad vnionem, hoc diuinæ potentie nihil præiudicat; cum ex defectu finis natura multa intermittat, quæ Deus præstare potest.

XXIV. Si sublata ex aliquo composito vnione, alia substitueretur, non maneret prius numero

numero compositum. Sicut trium obiectorum visio essentialiter tria obiecta requirit, ita hoc numero compositum hæc numero extrema cum suo nexu essentialiter exigit. Eadem numero unio sine educatione, cum qua prius coniungebatur, à Deo conservari potest. Eris unio nec supernaturaliter possit esse sine suis modificatis, potest tamen esse extra illa, ita ut vtrumque tantum extrinsecè afficiat, ab ipso extrinsecè dependeat; sicut defacto unio in composito extrinsecè solum à forma dependet.

XXV. Unio se ipsa, non per superadditam aliam unionem, partibus coniungitur; siquidem omnis modalis entitas ex se determinata est, & debet necessarîo vniri subiecto, eò quòd nullo pacto sine suo modificato existere possit. E contra partes essentialis compositi, cum sint entitates absolutæ, & separatim existere possint, ad id ut vniantur, per aliquid superadditum determinari, & coniungi debent: sicut murus ut disgreget visum, albedine opus habet, ipsi autem albedini ex natura sua non per aliam albedinem competit esse disgregatiuum visus.

XXVI. Licet unio in composito inter extrema intercedat, forma tamen materix immediate coniungitur. Mediata agere aliquid tum dicitur, quando mediante alio ut Quod agit. Unio non est medium ut Quod in composito, sed tantum ut Quo. Ratio vniendi non magis tollit immediationem, ac ratio videndi, in qua obiectum immediate attingi dicitur, quantumvis visione mediâ id fiat.

XXVII. In ratione entis unio quidem est quid imperfectum, non tamen in ratione modi. Peculiarem subsistentiam non habet, licet sit modus substantialis; cum subsistentia sit perfectio entis in communi, non verò eius, quod est modus tantum entis. Hac modalis entitate non potest quid dari perfectius, ut ex duobus vnum fiat. Qualitates sine unione subiecto nil profunt, nec gratia nisi vnita Deo hominem gratum reddit. Non per solam unionem, sed per humanitatem vnitam Deus homo dici potest.

XXVIII. Unio non est principium physicum transmutationis, quantumvis ad omne compositum naturale requiratur. Nec terminatiue secundum se, nec constitutiue tanquam pars principiat; quod tamen ad essentiam principij physici spectat. Non impedit, quo minus unio sit causalitas formæ, & materix in compositum, licet hoc à partibus ut vnitis non distinguatur realiter. Sufficit ad rationem causalitatis, ut unio specificatiue sumpta, & secundum se sit quid realiter modaliter à suo effectu distinctum.

XXIX. Unio Corporis naturalis est diuisibilis, & pars illius parti corporis respondet. Ad hanc diuisibilitatem anima rationalis in se quidem indiuisibilis, materiam etiam diuisibiliter informat. Quando membrum à corpore humano absconditur, unio illius membri, tanquam materialis corrumpitur, & animæ præsentia localis ad illud terminari desinit; utpote cuius officium non sit discontinua informare. Unio in diuersis partibus eiusdem compositi nullam heterogeneitatem habet.

XXX. Si Deus annihilatâ cum formis substantialibus omni materiâ primâ, relinquere quantitatē vna cum qualitatibus, atque istæ ita in aliquam quantitatem agerent, ut cum tali qualitatū intensiōe prior forma si adesset, non amplius substituta esset, tum Deus ex naturali congruentia reuineret quantitatem materix, atque aliam formam substantialem produceret. Probabilis est, quòd in hoc casu Deus priorem numero unionem vnâ cum sua materiâ quantitati reproducat.

XXXI. Vnitio quantitatis cum subiecto fieret in eodem instanti temporis, in quo dispositiones complentur, materia reproducitur, & forma educitur. Sine unione materia prima naturaliter esse non potest; sicut nec sine omni forma substantiali, vel accidentali. Potentia materix non est de secunda specie prædicamenti qualitatis; nec materix per aliquam unionem coniun-



coniungitur: sed est de essentia illius, tanquam respectus transcendentalis ad omnes formas naturales possibles.

XXXII. Si vnio creetur, fortiori concursu à Deo consequari debet quàm si eam dependenter à concursu causæ materialis produxisset. Formæ materiales, vel accidentales, vel substantiales, si creatione suum esse acciperent ( prout fieri posse concedimus ) possent supernaturaliter subiecto vniri, ita vt ad solam vnionem noua actio terminetur. Subsistentiæ dux partiales, materiæ scilicet & formæ vniuntur in vnam totalem & completam. Hæc vnio fit quasi extensiuè; velut indiuisibilia in quantitate dicuntur vniri ex eo, quòd per ipsa dux quantitates entitatiuè extensiuè vniuntur; non verò intensiuè, vel per modum actûs & potentie.

XXXIII. Vnio non est effectus formæ in genere causæ efficientis; prius enim est, vt forma sit, quàm vt operari possit. Forma naturaliter in prima productione non est, nisi informando per vnionem; & sic suæ operationi vnionem, tanquam ab alio productam præsupponit. Expulsio prioris formæ in generatione fit mediâ informatione; id est productione nouæ vnionis cum noua forma, & destructione prioris vnionis cum sua forma.

XXXIV. Esse corruptibile Corporis humani prouenit à modo informandi corruptibili, nempe vnione; non verò ab esse aliquo distincto, & ab entitate formæ in materiam deriuato. Esse viuens habetur per solam animam subiecto vnitam, absque alio esse superaddito. Si formalis terminus generationis accipitur pro eo, quòd constituit compositum, tum formalis terminus nec vnio sola, nec sola forma est, sed forma vt vnita; per neutram enim seorsim compositum constituitur. Si generatio spectetur, vt habet rationem actionis vnitæ, eius terminus formalis est vnio, vt quæ per vnionem constituitur. Si generatio præcisè spectetur, vt est productio, pro formali illius termino est gradus aliquis communis vnioni & formæ, nempe ratio educibilitatis ex subiecto.

XXXV. Si per absolutam potentiam fieret corpus opacum, & Deus vellet manente eadem opacitate lumen tali corpori vniri; tum lumen indiuisibiliter extensum immediatè ante corpus consideret, & vnionem in se receptam ad corpus terminaret. Si Angelus per impossibile in indiuisibili spacijs existeret, non videtur sufficienter alicui corpori coniungi posse, vt eadem naturaliter vniatur; & hoc non tantum ideo, quòd sit substantia spiritalis completa, sed quia alium planè locum, saltè indiuisibilem occuparet quàm corpus.

XXXVI. Homogenea seipsis, non per distinctam vnionem connectuntur, & faciunt potius vnum per vnitatem, quàm per vnionem. Quando plures aquæ confunduntur, & inter se se vniuntur, eæ non generari, sed continuari dicuntur. Licet calidum vt vnum non possit effectiuè intendi à calido vt vno, potest tamen formaliter, seu per vnionem gradûs cum gradu. Lumen in reflexione per veram vnionem partium luminis intenditur, & non tantum vicinæ partes magis illustrantur. Intensionem & vnionem non impedit, quòd alterum lumen sit directum, alterum verò reflexum.

XXXVII. Duo luminosa per vnum foramen tabulæ translucencia, in ipso foramine vniuntur, licet quodvis suum lumen in diuersa producat. Lumen sicut in esse, ita in operari ab agente principali dependet; & sic sui luminosi modum, qui est per viam rectam agere, lumen etiam in foramine imitatur. Ex eo, quòd candela accensæ alteri itidem accensæ præposita vmbra faciat, potius intensionem à duobus luminibus non impeditis fieri, quàm contrarium offendit. Vmbra est lux minor propter obiectum corpus; hoc si auferatur, lux maior fiet, vel ab vno, vel pluribus luminosis producta, & tanquam aliquod homogeneum vnita.

XXXVIII. Rationem formalem augmentationis inter omnes mutationes, quæ variè ad eam concurrere possunt, constituit vnio quantitatis alimenti cum quantitate aliti. Ad hanc respectu

respectu viuientium augmentationem Philosophus tres Conditiones requirit; Prima, vt id, quod augetur, secundum omnes partes (sensibiles) augeatur; Secunda, vt accedente extrinsecus materia augmentetur; Tertia, vt res aucta maneat eadem numero. Hæc vnitio quantitatis alimenti cum quantitate aliti ex sententia Aristotelis debet etiam connotare maioritatem loci occupati, adeo vt augmentatio hæc descripta non sit, si vel plus, vel tantundem quantitatis deperdatur, quantum accedit.

XXXIX Quando definitur augmentatio esse mutatio à minori quantitate ad maiorem per intusceptionem, non est sensus, quod sit mutatio ad quantitatem producendam, sed tantum vniendam: quantitas enim ingenerabilis est. In augmentatione non producitur noua extensio: illa enim viuens debet facere simpliciter maius; hæc autem ab entitate rei tantum formaliter distincta, viuens secundum locum solum modò maius facit. Quamuis prima introductio formæ, & vnitio quantitatum possit esse in aliquo indiuisibili, tamen quia in tempore hoc instans consequente etiam fit augmentatio, eam successiuam & continuam esse posse dicimus. Diminutio opposita augmentationi fit per defitionem: Vnionis inter quantitatem, & materiam alimenti, & aliti.

XL Mixtio formaliter & in vniitione miscibilium, & productione formæ mixti consistit. In mixtione omnium elementorum materiæ inter se vniuntur; Elementa autem, quoad suas formas substantiales non manent in mixto sed tantum quoad suas qualitates restructas. Elementa quoad quasuis partes, non tamen quoad setota substantialiter inter se transmutari possunt; & quidem immediatè tam a symbola, quam symbola, illa tamen facilius, quam hæc. Potest item ab aymbolis tertium specie distinctum elementum produci; non verò à symbolis in statu naturali positis. Miscibilia, vt facilius in se mutuo agant, & sibi mutuo vniantur, in exiles particulas, ac in certâ proportionem comminuta esse debent. Mixtio connotat vniitionem miscibilium, quam productio mixti, vt sic, non connotat.

## A C T I O.

I. Quam hoc loco actionem consideramus, ea sic genericè duplex est, Creatiua & educiua. Hæc fit dependenter à causa materiali: illa autem ex nihilo, seu non præsupposito subiecto: Creatio tripliciter sumi potest; Primò, strictè, eo nimirum modo, quo iam diximus; Secundo, latius, prout id includit, quod saltem dependet ab eo, quod factum est ex nihilo. Denique pro quauis effectione, quomodo omnem generationem inuoluit. Eductio, vt sic, omnem generationem creatâ completitur; & abstrahit tam ab ea, quæ est mutatio, quam ab ea, quæ præcisè actio est.

II. Actio est causalitas efficientis, vt pote per quam formaliter aliquid constituitur in esse agentis. Causalitas causæ efficientis non est influxus quidam, qui sit prior omni actione, & indistinctus ab entitate agentis. Si talis influxus esset causalitas, tum posset aliquid fieri actu causans absque superaddita entitate, seu medio realiter distincto. Omnis alia actio sic frustranea foret, vt quæ influxu posterior, iam positum ab influxu, tanquam causalitate, terminum inueniret. Si actio prior esse illo influxu poneretur, itidem nihil ageret; nam effectus sine causalitate haberi non potest: & tamen actio causam in actu secundo constitueret.

III. Actio non est propriè effectus agentis; impropiè tamen dici posset, eò quod saltem aliquo modo ab agente dependeat. Producitur seipsâ, non per aliam actionem, ne detur processus in infinitum. Est quid realiter modaliter distinctum, tam ab agente, quam à termino

mino & passio. Dicitur actio in quantum se habet ex parte principij effectiui; passio vero respectu principij subiectiui, si eductiue fiat. Non est in agente, licet eius perfectio esse dicatur. Agens extrinsecè tantum, ab ea denominatur, sicut nuntius a visione.

IV. Actiones immanentes non dicuntur tales ratione sui, sed respectu termini, qui in eodem, à quo procedit, recipitur. Specie saltem inadaequata differunt à reliquis actionibus transsemitibus, & in ratione solum generica cum illis conueniunt. Maior eorum, qui quandoque est in agente, & actio intensior, quæ ab eodem nonnunquam procedit, non est quid à potentia agentis, & ipsa actione distinctum: sed in actu primo est ipsa potentia sese perfectius applicans; in actu secundo est ipsa perfectior entitas actionis.

V. Actio non est ipsum agens connotando terminum, seu prout refertur ad terminum: sed militet non est terminus, in quantum dicit relationem prædicamentalem ad agens. Actio cum à Philosopho pro fundamento relationis ponatur, hæc aliquo modo prior esse debet. Idem terminus, idemque efficiens quandoque manet, & tamen terminus duabus successiue actionibus, nempe eductiua & creatiua produci dicitur; quod utique aliquid ab utroque tam terminus, quam efficiente distinctum infert.

VI. Qui dicunt actionem esse ipsam entitatem termini, prout in obliquo connotat modum dependentiæ, in hoc tantum nomine tenus à nobis distingui videntur, æque enim facile illam modum dependentiæ actionem vocarent. Quando Aristoteles. 1. Physicorum tex. 4. negat actionem esse aliquid præter rem seu terminum, plus non vult, quam quoddam illa non strictè realiter à termino distinguatur. Ipse terminus non potest esse actio, quia per hanc sibi ipsi suum esse, tanquam per causalitatem communicaret.

VII. Actio eductiua est modus accidentalis, etiam respectu substantiarum. Non spectat ad eam intrinsecè ipsius substantiæ, sed extrinsecè eam complet, existentiam communicando. Specificatur quidem à termino, non tamen ut eiusdem cuiuslibet entitatis fiat; sed ut propter diuersos specie terminos, ipsæ quoque actiones specie distinguantur. Sic alia eductio dicitur generatio, eò quod formam substantialem producat, quæ terminum simpliciter alium facit: alia verò alteratio, ut quæ per accidens productum solummodò terminum alteret.

VIII. Si formaliter sumatur actio, vniucum quid est ad omnes actiones eductiuas. Præter passum afficit etiam terminum, cum quo identificari dicitur, idque ex communi modo loquendi: quo quidem Auctores plus non volunt, quam quod termino intimè adhaereat, & vna quasi cum eo entitas videatur. Licet actio etiam passio intimè adhaereat, non tamen cum illo identificari dicitur ex eo; quod & passum sibi præsupponat, & quandoque omnino sine hoc esse possit, quorum neutrum sit in termino.

IX. Actio à passione, uti & motu, qui definitur esse actus entis in potentia, quatenus in potentia, non nisi formaliter distinguitur; & impossibile est, ut sit eductio sine passione, aut hæc sine illa. Passio tantum accidentaliter conuenit rationi genericæ actionis, ac proinde non ab omnibus speciebus participatur. Vnitas actionis & passionis est realis, ut quæ sit negatio, ordinata ad tollendam formam, quæ reipsa se iungatur ab actione & passione, nempe ad tollendam distinctionem realem, quæ in actione & passione non reperitur, perinde ut cæcitas est negatio realis in eo, in quo potentia visiva à parte rei non est.

X. Terminus formaliter sumptus includit etiam diuersam comparabilitatem ad agens, & modum suæ productionis. Quantumuis ad eundem numero terminum plures successiue actiones pertinere possint, alius tamen terminus aliam quoque actionem requirit. Adæquata licet specificatio actionis à termino non desumatur communiter, nihilominus cum Aristotele ab hac illa specificari dicitur ex eo, quod terminus sit quid vltimò actionem complens, & reliquis iam quæ præsuppositis superueniens.

XL Nec

XL. Nec per absolutam potentiam actio sine termino esse potest, si causalitas physica sit. Si aliqua daretur, quæ non haberet terminum, non esset eiusdem speciei cum reliquis, & caret relatione transcendentali intrinsecè specificante cæteras actiones. A termino formaliter sumpto actio habet suam unitatem numericam & formalem, saltim inadxquatè, ita vt ubi sunt diuersi genere vel specie termini, sint etiam genere vel specie distinctæ actiones.

XLI. Actio instantanea & successiua non differunt specie essentiali, cum actioni verè sit per accidens hoc vel illo modo produci. Successiua actio dicitur, quæ coexistit temporì; instantanea quæ instanti: siue iam in entitate sit diuisibilis, siue indiuisibilis. Productio Angeli, vel aliarum rerum permanentium, quæ suum esse simul accipiunt, secundùm se non petit esse in instanti; cum illa productio iam per multa sæcula duret.

XLII. Motus naturalis & violentus non habent eadem formaliter agentia & terminos; propterea specie distinguuntur. Prior est à natura, prout formaliter exercet rationem naturæ: Posterior est ab eadem, in quantum hoc officium non exercet. Hoc posteriori modo etiam quadantenus calefactio aquæ est naturalis respectu principij effectiui, non verò subiectiui: Quando motus à pluribus agentibus producitur, tum ille quidem vnus numero continuus & totalis motus est; plures tamen partiales pro numero agentium motus esse, dici potest.

XLIII. Creatio non est tantùm actio grammaticalis, sed est verissimus influxus, statuens terminum extra suum nihilum, ei quæ realitatem confereas. Non est in termino tanquàm in subiecto adhesionis; omne enim subiectum Creationi repugnat; & modi substantiales quantumuis adhæreant, accidentia tamen non sunt. Non terminus inhzret tanquam subiecto; cum enim quod inhzret causetur physicè ab eo, cui inhzret, etiam Creatio à termino causaretur.

XLIV. Non potest dici, quod creatio secundùm rationem genericam accidentis potest quidem subiectum inhesionis, non autem secundùm rationem specificam actionis, seu prout est via & processus ad terminum: Ratio enim generica & specifica realiter identificantur; & sic adhuc explicari oportet, quomodo illa realitas inhzreat, vel non inhzreat subiecto. Nec saluatur ratio accidentis in Creatione per hoc, vt dicatur vniuersim omnem actionem inhzrere, & esse posteriorem naturæ ipso termino, atque sufficere, quod hæc duo sint in eodem temporis instanti.

XLV. Creatio etiam respectu accidentis creati est modus substantialis, adhærens termino, nec vllò indiget subiecto. Spectat ad prædicamentum substantiæ; & si adxquatè sumatur, cum reliquis actionibus non aliter, quàm analogicè conuenit. Si consideretur secundum conceptum aliquem consensum, quem subire potest, secundùm suam quasi differentiam; potest aliquo modo vniocè cum cæteris actionibus conuenire, in quantum nimirum sunt viæ quadam ad effectum producendum.

XLVI. Actioni, quæ causæ est actus secundus physicus, respondet potentia actiua, tamquàm actus primus. Hæc est principium proximum causandi formæ, aliquando realiter, aliquando verò ratione à substantia distinctum. Quando forma suas proprietates producit, non potest concipi illas per potentiam à se distinctam producere, sed instrumentaliter in virtute ipsius generantis agit. Quod communiter dicitur, proprietates in sua essentia eminenter contineri; non est intelligendum de continentia eminentiali in genere causæ efficientis, sed in genere causæ quasi exemplaris, vel certè finalis.

XLVII. Proprietates formæ sunt ipsius principium agendi proximum. Forma substantialis in composito est principium operandi radicale; & ad diuersas formas diuersi quoque effectus sequuntur, licet materia sit eadem. Respectu quorundam accidentium immanentium eadem forma est principium proximum. Aqua per formam suam substantialem ad pristinum frigus reduci-



reducitur. Talis productio non simpliciter actio, sed cum addito emanatiua à Philosophis dicitur. Actio propriè in hoc ab emanatione distinguitur, quod illa sit rei magis extrinseca, remque per se loquendo in suo esse perfectio supponat; emanatio verò intrinseca est, & rem in suo esse connaturali perfectio statuit.

XIX. Principium agendi aliud est productiuum tantum, aliud simul etiam conseruatiua. Quamuis possit esse aliqua causa conseruans, quæ non sit producens; non tamen potest esse conseruatiua, quæ non sit productiua. Discrimen inter has causas est, quod conseruans & producens connotent actum secundum, conseruatiuum verò & productiuum, actum primum: ut ita in actu secundo nil conseruetur à causa, quod ab eadem, cæteris paribus, non etiam produci potuisset.

XX. Quando dicitur plus requiri ad productionem, quam ad conseruationem; intelligendum id est de causa materiali, quod nimirum pluribus dispositionibus opus habeat, ut formam de nouo admittat, quam ut eandem de in retineat. Cuiuslibet res à solo Deo conseruetur, aliquæ etiam à causis secundis, desumendum id est ex natura, conditione & officio cuius rei proprio. Proprietates disponentes materiam ad introductionem formæ à solo Deo conseruantur. Lumen, actus vitales, species sensibiles à suis causis conseruantur, & his deficientibus, etiam illa intereunt; vel extraordinario concursu à Deo conseruanda sunt.

XXI. Vnà actione totali, & duabus partialibus forma substantialis & accidentia agentia, si simul sint coniuncta, effectum immediatè producant. Accidentia, si transeuntè producantur, eorum principium proximum per se necessarium non est forma substantialis, sed accidentia in agente subiectata. Licet accidens sit instrumentum substantiæ, tamen alia accidentia in genere causæ principalis producit. In rigore verborum aliud est esse intrumentum, & aliud, esse causam instrumentalem. Instrumentalis causa dicitur, quæ effectum, propriam virtutem excedentem, producit. Instrumentum, est quidquid in alterius finem operari natum, quomodocumque de in se habeat respectu effectus à se positi.

XXII. Accidentia sunt principium proximum, quo producantur formæ substantiales. Etiam sola & separata à forma substantiali, immediatè producant substantiam absque concursu alterius substantiæ. Accidentia, quæ sunt in passo, & non ea, quæ in agente subiectantur immediatè substantiam producant. In absentia agentis extrinseci; in eius autem præsentia effectus talis producit simul à forma substantiali, rationem causæ principalis habente, simul ab accidentibus tam in agente, quam passo repertis. Quando accidentia taliter effectum substantialem ponunt, cum ille vix illorum propriam excedat, in virtute alterius, cui tanquam agentis principali effectus adscribatur, agere dicuntur.

XXIII. Causa principalis effectuum substantialium dicto modo productorum, non est aliquod indiuiduum vagum, aut aliquod singulare determinatum, sed natura communis. Per naturam in communi non intelligimus naturam abstractam, & formaliter vniuersalem, sed materiam vniuersalem, seu ipsa indiuidua, prout habent vnitatem formalem. Indiuiduatio tam substantialium, quam accidentium est tantum conditio, non ratio formalis agendi.

XXIV. Indiuiduum, quantumvis sub sua natura communi continetur, non tamen est causa sui ipsius: natura enim communis non secundum se absolutè sumpta est causa effectus produciendi, sed prout connotat certas conditiones ad agendum necessarias, quas indiuiduum, ut habet rationem effectus produciendi, connotare non potest. Cælum non est causa principalis substantiæ per accidentia sola productæ; potest tamen dici causa instrumentalis, si hæc omne illud comprehendat, quod alteri quomodocumque vsui est ad agendum. Simili causæ instrumentalis notione possunt etiam elementa, & quævis causæ, vel efficientes, vel materiales accidentium,

cidentium, substantiam instrumentaliter producentium, aliquo modo naturæ specificæ cuiusque instrumenta dici.

XXV. Quando dicitur accidens in virtute alterius substantiam producere, tum illa virtus non est quid distinctum ab accidente. Accidens, ut sic, non spectatur præcisè sub ratione accidentis, sed in quantum ex essentia sua subordinatur, & commensuratur substantiæ, cum fini suo, ac exemplari, causæque principali. Ad rationem causæ sufficit, ut effectum instrumenta- liter, & virtute alienâ contineat, licet in se sit entitate ignobilior ipso effectû. Ratio instru- menti vniuersim in quadam ad agens principale subordinatione, & illius ab hoc elevatione consistit.

XXVI. Subordinatio ista in actu primo est respectus quidam transcendentalis ad agens principale, ut ab eodem accidens ad effectum instrumentaliter producendum adhiberi possit: In actu secundo est ipse usus passivus, per quem instrumentum in virtute aliena operatur. Ele- uatio instrumenti naturalis non debet fieri per coniunctionem causæ principalis, periade ut in artificialibus instrumentis requiritur; illa enim, non item hæc instrumenta agenti principali naturaliter subordinantur. Artificialia instrumenta in actu secundo coniunguntur agenti per contactum suæ mediatum, suæ immediatum, & per motum localem. Moralia per imperium voluntatis, & actionem inde consecutam eidem applicantur.

XXVII. Deus in absentia causæ principalis fortio- rem concursum instrumento taliter a- genti concedere debet, quàm si illud effectum sibi similem produceret. In rebus creatis ad- mittimus dari potentiam obedientialem actui; quæ à naturali, solum connotato, distingui- tur, & ut sic, supernaturalis vocatur. Potentia obedientialis est ipsa entitas causæ, prout præ- ter actiuitatem sibi connaturalem, concursum Dei extraordinarium ad res generali viâ, & mo- do agendi debito, non producibiles connotat. Hæc potentia non est mera non repugnantiâ, non consistit in aliqua actuali motione instrumenti, quæ sit distincta ab actione Dei con- currentis.

XXVIII. Potentia obedientialis pro obiecto suo habet omne ens producibile. Creatura totum effectum per talem potentiam productum secundum omnem formalitatem entitativè in virtute instrumentali continet. Respectu diuersarum comparabilitatum idem effectus ab eodem agente, & principaliter & instrumentaliter procedere potest. Visio beatifica, ut est in- tellectio, procedit ab intellectu principaliter; ut est intellectio supernaturalis ab eodem prodit instrumentaliter. Causa materialis, si aliâs effectui suo sit proportionata, semper est causa il- lius principalis, negatiua tamen. Non potest alia causa materialis naturaliter dari, in cuius virtute hos effectus sustineat, & sic causa instrumentalis dici possit.

XXIX. Creatura, quæ non intrinsecam aliquam virtutem agendi, saltem inchoatam vim habet, non potest à Deo ad operandum per potentiam obedientialem assumi: Sicut sola Dei voluntas rem albam facere nequit; ita solum eius imperium, aut assistentia rem intrinse- cè agentem non faciet. Et si in re philosophica uti licet familiari exemplo, perinde truncus nunquam ambulabit, quantumvis ab alio, tanquam aliqui à Patre filiolus solet, manu ducatur.

XXX. Quantumvis actio propria Creaturæ concedenda sit, & non solus Deus ad præ- sentiam Creaturæ, hoc potius, quàm illud producere dici possit; tamen implicat dari Creaturam solitariè agentem. Actio Causæ Primæ alia est ad intra, quæ ipsa Dei V. G. im- manens volitio est; alia ad extra, ipsa nimirum V. G. actualis cooperatio Dei cum creatura, & aliquid ab illo manans, ac in Creatura receptum. Deus cum causa secunda, eadem actione realiter indistin- ctâ, nec priore, quàm sit actio Creaturæ, agit. Causa secunda nec ad specifi- cam, nec ad numericam actionem à Causa prima prædeterminatur.



XXXI. *Deus* cum Creatura ad actum, quā ille physica quædam, non moralis entitas est, concurrir. Partialis causa dici non potest, si per eam intelligatur talis, quæ vel in suo genere habet aliam concausam, vel effectum non totum producit. Cause partiales aliz sunt subordinatæ, aliz verò non. Non subordinatæ sunt, quæ cum alia causa ita ad effectum concurrunt, ut in hoc à se producto respondeat illis aliqua mensura ponderis vel intensiōis, quam etiam seorsim producere potuissent. Subordinatæ sunt, quæ quidem ad effectum concurrunt, aliquam tamen solum formalitatem in eo respiciunt, quam seorsim etiam producere non potuissent.

XXXII. Omnis actio causæ efficientis est ad id, ut agenti assimiletur effectus. Hæc assimilatio non opus est, ut fiat secundum id, quod causa dicit formaliter, sufficit ut fiat secundum id, quod virtualiter, vel eminenter dicit. Equiuoca causa vel eminenter, seu modo perfectiori, vel virtualiter effectum continet. Ad id, ut aliquid eminenter alterum continere dicatur, requiritur, ut continens sit præstantioris naturæ contento, & hoc aliquo modo in illo reperitur. Quadrupliciter sic aliquid in alio esse potest; Vel per se ipsum tanquam in sua causa; vel per quandam sui similitudinem, vel secundum vim extendendi se ad eadem obiecta modo nobilioris, vel denique secundum ordinationem, & æstimationem boni atque appetibilis. Primo modo causa æquiuoca effectum eminenter continere dicitur.

XXXIII. Omnia agentia intellectualia (etiam *Deus* quoad actiones transcentes) propriè propter finem agunt. Finis Cuius & finis Cui neuter seorsim rationem finis habet, sed uterque simul: sic finis formalis & obiectiuus etiam vnum tantum ad æquatum finem constituunt. Finis Cuius, est res acquirenda; Cui, est id, cui eam obtinere volumus; Finis formalis, est ipsa rei possessio, & acquisitio, per quam nobis finis obiectiuus coniungitur. Obiectiuus est bonum aliquod, cuius possessio desideratur.

XXXIV. Quia finis est obiectum appetitus, necessariò aliquod bonum, tanquam appetitus motiuum, illi attribuendum est. Bonum in genere est integritas & perfectio cuiusque rei, potestis ut sic, fundare rationem appetibilitatis. Bonum respectu agentium intelligentium diuiditur in honestum, delectabile, & vile. Hæc tria, etiam vile, quā tale, sunt principium Quo causandi finis. Apprehensio, quā bonitas finis cognoscitur est tantum conditio quædam, sine qua appetitus à bonitate finis non moueretur. Intentio, quæ est causalitas finis, non est actio; sed, qualitas absoluta, in rebus creatis à subiecto distincta, in *Deo* verò indistincta.

XXXV. Quando Causalitas finis in motione metaphorica consistere dicitur, per illam motionem nihil aliud, quàm intentio intelligi debet. Actio, quā agens producit medio, non est causalitas finis, sed potius ipsius effectus; sit enim vi amoris efficacis, quo finem appetimus. Ideo licet etiam metaphorica motione, seu obiectiuè causet, non tamen habet causalitatem diuersam à causalitatibus reliquarum causarum, sicut causa finalis. Causalitas idem est actio, quæ nullam sui causalitatem à se distinctam habet. Intentio, tanquam actus voluntatis per veram diuersam actionem procedit; quæ ad causalitatem finis ita se se habet, sicut passio ad causalitatem materiz in compositum.

XXXVI. Cause in communi spectatæ possunt sibi inuicem esse causæ. Quilibet causa à Fine causari, & eundem reciprocè causare potest. Nec per absolutam potentiam forma & materia, efficiens & forma, uti & efficiens ac materia quoad primam sui productionem, & eodem tempore sibi inuicem causæ esse possunt. Diuerso tempore non implicaret produci Petrum V. G. à Ioanne, quem olim Petrus prodixerat. Causæ, quæ in prima productione se inuicem causare nequeunt, etiam id in conseruatione nequeunt: Hæ enim causæ, licet habeant existentiam primam, non possunt tamen dici pro tempore sequenti suam existentiam habere, in quo vna alteram conseruare, etque continuatam suam existentiam communicare debet. XXXVII

XXXVII. Idem se ipsum vnica actione producere, aut conseruare nullo modo potest. Si dentur eiusdem numero effectus duæ causæ totales, tum duo indiuidua per absolutam potentiam possunt sibi inuicem esse causæ, & idem se ipsum causare. Idem prout habet rationem effectus est seipso ignobilis, in quantum habet rationem causæ. Nobilitas causæ non sumitur ab eo, quod hæc dicit materialiter, sed ab eo, quod dicit formaliter, nempe à dependentia, secundum quam aliquid ab illa dependet.

XXXVIII. Vnicus effectus à pluribus causis partialibus & totalibus, quæ sint per accidens simul naturaliter produci potest. Plures diuersæ speciei vnum effectum, & eadem causa, diuersos specie effectus causare potest. Nec supernaturaliter vnus effectus principalis à pluribus causis materialibus, & formalibus constitui potest. Plures causæ totales efficientes eiusdem ordinis, & successiuæ, & simul eundem effectum per absolutam potentiam producere possunt. Implicat eiusdem rei plures effectus vltimos: naturaliter tamen possunt esse plures causæ totales finales, non vltimæ eiusdem obiecti.

XXXIX. Penetratio quantitatum naturaliter etiam angelis, non quidem respectu sui, sed respectu aliorum corporum, vt ea penetrari faciant, est impossibilis. Si ea sumatur causaliter, tum est actio, statuens plures res in eodem spacio. Ad penetrationem faciendam duarum quantitatum Deus fortiori concursu adiuuare debet, vt & altera quantitas idem spaciū subintret, & altera loco cedat. Hæc fortior Dei actio quoad substantiam non necessario est supernaturalis, sufficit, si quoad modum sit talis, nempe quoad continuationem actionis, ad quam designandam Deus naturaliter determinaretur.

XL. Etiam si Deus per impossibile ageret ad extra ex necessitate naturæ, non tamen infinitum actu, sed continenter infinita in infinitum produceret. Si Deus in omni spatio in quo est, posset aliquid producere; cum sit in spatio infinito, effectus necessario illi coextenderetur, essetque infinitus. Deus quouis instanti quemlibet angelum ex omnibus possibilibus potest creare, si & instans & angeli distributiue, non collectiue sumantur. Angelus in instanti produci, non posset, nisi in tempore, hoc instans consequente, annihilari.

XLI. Mundus quidem ab æterno productus non est, potuit tamen per absolutam potentiam quoad res permanentes, non item, quoad successiuas, ab æterno creati. Talis Creatura adhuc perfectissime Deo subiecta fuisset, licet non in æternitate, sed in tempore, æternitatem consequente, actu annihilare potuisset. Productio rei ab æterno non esset prima, sed productio vti sic; & Deus illā non foret prior: Vniuersum enim causa in actu secundo non est natura prior suo effectui. Mundus quoad aliquas partes à solo Deo propriè fuit creatus; potuisset tamen ad id assumi etiam Creatura in genere causæ instrumentalis, non item principalis; Creatio enim vires naturales Creaturæ exedit.

XLII. Cælum, tam in astra, quam in sublunaria per lucem agit. Lux illa alium in Cælo, alium in sublunariis effectum sortitur, per veram tamen efficientiam agit. Cælū varias qualitates occultas, quas Influētiæ vocant, in hæc inferiora deriuat, sed directè in animam rationalem, aut eius potentias agere nequit. Non effectiue per motum in sublunaria agit. Causa productiua caloris ignis, qui videtur per motum produci, est natura communis, caloris & ignis: hæc enim, ære per motum localem, qui tanquam conditio requiritur rarefacto, & vi solis ac aëstrum, si quid ei adhuc desit, sufficienter calefacto, actionem suam perficit.

XLIII. Generatio substantialis est mutatio totius in totum nullo sensibili remanente vt subiecto eodem. Generationes accidentium ex natura sua ordinantur ad generationem substantialem, & subiecto non taliter aliam denominationem tribuunt. Generatio hic definitur à Philosopho prout coniuncta est corruptioni & priuationi, à qua priuatione ad ipsam formam trans-

transeat. Si in subiectum, vel manente priore formâ introduceretur alia; aut in eodem instanti, in quo nouum subiectum creatur, educeretur forma, non esset generatio hic descripta. In generatione substantiali non omnia accidentia pereunt. Generatio hic definita est quædam species Conuersionis; hæc autem illâ latius patet.

XLIV. Generationi vnius formæ naturaliter semper coniuncta est destructio alterius, corruptio non est actio positiua, aut ab agente per se intenta. In genito datur vna tantum forma substantialis, quæ in corruptione pellicitur, eique forma substantialis cadaueris succedit. Ratio ossis, nervi, carnis, & reliquorum corporis organorum per sola accidentia, seu qualitates primas certo modo, iuxta exigentiam formæ subsecuturæ, contemperatas, constituitur. Causa producens formam cadaueris instrumentalis sunt accidentia, quæ in materia corrupti viuentis reperiuntur; principalis causa est natura communis. Quodd si Cælum, aliquando potiores dispositiones poneret ad hanc formam, tum eidem, tanquam causæ principali effectus adscribi posset.

XLV. In quouis cadauere sunt diuersæ speciei formæ, à quibus materia discontinuatur; & cadauer tantum aggregatione vnum quid est. Hæ formæ, si comparentur ad se ipsas, totales sunt; si verò ad totum aggregatum cadaueris, partiales dici possunt. Entia tam permanentia, quam successiua, quæ talia, siue corruptione siue annihilatione destructa, vt & ipsa actio per absolutam potentiam reproduci possunt.

XLVI. Alteratio est mutatio sensibilis permanentis in passionibus contrarijs & medijs. Per passionibus contrarias, intelliguntur eæ, quæ ab aliquibus vocantur corruptiue; nec tamen omnes, sed illæ corruptiue, quæ ad generationem ordinantur. Vocantur etiam qualitates paribiles, & sunt de tertia specie prædicamenti qualitatis. Habitus scientiæ & erroris sunt etiam qualitates contrariæ, non tamen contrarietate hic ab Aristotele intentâ. Alteratio secundum se nec est successiua, nec continua, ex mente tamen philosophi necessariò est successiua.

XLVII. Viuentia requirunt organa certæ magnitudinis, quibus operentur, & sic certæ magnitudinis & paruitatis terminos habent, hi termini probabilis sunt intrinseci, tam in via generationis, quam in via corruptionis; termini magnitudinis & paruitatis duo sunt intrinseci, & totidem extrinseci. Intrinsecus magnitudinis terminus vocatur Maximum quod sic, estque maxima quantitas, sub qua res consistere potest, ita vt sub maiori nequeat. Terminus eiusdem extrinsecus dicitur Minimum quod non, & est quantitas inter eas minima, sub quibus aliquid ob earum magnitudinem non potest consistere. Intrinsecus paruitatis terminus est Minimum quod sic, quantitas nimirum minima, ita vt sub minori res illa consistere nequeat: terminus paruitatis extrinsecus est Maximum quod non, quantitas scilicet maxima inter eas, sub quibus res illa ob earum paruitatem consistere nequit.


XLVIII. Agens naturale potest agere in distans actione transeunte, si partiale sit, nõ item si totale. Deus si per impossibile poneretur non esse immensus, & tamen seruare suam omnipotentiam, posset agere in distans. Supernaturaliter etiam Creatura, tam actione immanente, quam transeunte totali extra suam spheram aliquid producere potest. Sphæræ actiuitatis agentium naturalium sunt determinatæ, inæqualis tamen magnitudinis, in quas agunt vniformiter difformiter. Agens creatum ex se simul immediatè agit in totam spheram, nunquam tamen ita, vt in finem spheræ totaliter agat, nihil agendo in medium.

XLIX. Reflexio in specie sumpta est redditus ab obstaculo polito, seu cuius superficies æqualiter continua, & nullis foris sensibilibus interrupta est. Repercussio est ex obstaculo aspero, & inæquali. Hæc non fit sub certis, & æqualibus incidentiæ angulis, sicut reflexio. Refractio est radij per diuersa media transeuntis à directâ via inclinatio. Si radii è rariore medio in densius incidat

incidat, refringitur ad perpendicularem; si è densiore in rarius, refractio fit à perpendiculari. Radius quia vltierus in partem remotiores agere ab obstaculo prohibetur, per quandam compensationem in propiores agit; nunquam tamen intensius lumen in reflexione producit, quàm sit in luminoso principali. Hoc lumen in reflexione & refractione à luminoso principali agente, & per lumen sibi proprium & per lumen in obstaculo terminatum, producitur.

L. Antiperiklasis est maior qualitatis intensio, orta quandoque à causa passo intrinseca, quandoque suo modo extrinseca, posito tamen contrario tanquam conditione. Omne agens debet aliquo modo esse distinctum à passo, eique omnino dissimile quoad gradum & cum proportionem maioris in equalitatis. Dissimilitudo quoad dispositiones materiæ cum similitudine qualitatis in gradu non sufficit. Naturaliter datur reactio positiua secundùm eandem partem, idem tempus, eandemque contrarietatem, inter agentia sibi è contraria, cæteris ad agendum requisitis instructa. In reactione duarum qualitatum contrariarum pars repassa cum parte non repassa tamdiu pergit vnâ actione totali agere in passum principale, quâdiu manet in gradibus intensius; & pars non repassa in partem repassam tum non agit. Si pars repassa ad remissos gradus deueniat; tum cum passo principali partem non repassam infestare incipit.


LAUS DEO, DEIPARÆ Virgini, ac S. AUGUSTINO.



*Fidei, bonis moribus, & vera Philosophia congruit hac Binary  
Modorum Physicorum explicatio, vt typis digna sit.*

OSWALDVS COSCANVS Soci. IESV

S. Theol. Prof. & pro tempore Decanus.



*Bipartitus hic Vnionis & Actionis modus erudito vinculo nexus,  
publicam lucem ac laudem meretur.*

PETRVS HILDEBRANDT Soc. IESV

SS. Lingux & Matheſeos Prof. Ord. Fa-  
cul. Phil. Decanus,



\*\*\*\*\*  
AD RELIGIOSOS DOMI-  
nos Vnionem defendentes.

**P** *Ergite, magnanimo committite pectore bellum,  
Non in mente timor, non sitin ore timor.  
Spicula verborum, non ferrea tela feretis,  
Figere non ferro, aut are, sed ore licet.  
Magna quidem res est Cœli, Terraq; tueri  
Nexus, & tumidi vincula vasta maris.  
Illa tamen (quod nulla potest vis) illa tueri  
Lingua perita potest lingua diserta potest.  
Æquora pro vobis, Tellus, & quidquid ubiq; est:  
Pro vobis summus corripit arma Polus.  
Causa subest; res Cœli agitur, terraq; marisq;  
Æquor, Terra, Polus; ne ruat, arma capit.  
Munere si vestro non tuta est Vnio, Cælum;  
Quidquid & unitum est, hac pereunte perit.  
Factat Atlas tenuisse Poli, cervicibus axem.  
Factent, qui Terram, sideraq; ore tenent.*

FRATERNITATIS  
Fraterno ex Amore

Accinus



F. ARSENIUS MAYR eiusdem Ord. ac Mo-  
nasterij Professor, Logicæ Studiosus,